



ირანი

საინფორმაციო ბიულეტენი

№ 59

კორონავირუსის უახლესი სტატისტიკა ირანში

2022 წლის 11 იანვრის მონაცემების თანახმად, ირანში ბოლო 24 საათის განმავლობაში კოვიდინფიცირების 1932 ახალი შემთხვევა გამოვლინდა, ხოლო 37 ინფიცირებული გარდაიცვალა. დღემდე ირანში კორონავირუსით დაინფიცირებულთა რაოდენობამ 6 208 337-ს, გარდაცვალებულთა რაოდენობამ კი 131 915-ს მიაღწია. ამასთან, ჯანდაცვისა და სამედიცინო განათლების სამინისტროს ინფორმაციით, პირველი დოზით 60 146 546, ხოლო ორივე დოზით 52 725 535 ადამიანია ვაქცინირებული. ვაქცინის მესამე ბუსტერ დოზით აცრილია 10 675 339 ადამიანი. ამ მონაცემების გათვალისწინებით, ქვეყანაში ამ დრომდე გამოყენებულია 123 547 420 ვაქცინა.

www.imna.ir/news/547803/

www.imna.ir/news/547804/

ირანი კოვიდვაქცინის 175 მილიონზე მეტი დოზით უზრუნველყოფილია / ირანში წარმოებული და შემოტანილი ვაქცინების ბოლო მონაცემები

ჯანდაცვის სამინისტროს დაავადებათა პრევენციის დეპარტამენტის უფროსი:

- ვაქცინების ცენტრალურ საცავში, ამ დროისთვის, კოვიდვაქცინის 175 მილიონზე მეტი დოზაა შეტანილი.
- საბედნიეროდ, ვაქცინების დიდი მარაგი გვაქვს. შიდა წარმოებაც საკმაოდ კარგად ვითარდება და ამიტომ ვაქცინების იმპორტის საჭიროება არ არსებობს.
- ამ დროისთვის ქვეყნის ჯანდაცვის სისტემას მიღებული აქვს 6 მილიონი სპაიკოგენის, 13,5 მილიონი ბარაქათის და 8 მილიონი პასტოკოვავკის ვაქცინა. მიწოდებისთვის მზადაა ვაქცინა კოვოფარსის 5 მილიონი და ვაქცინა ფახრას დაახლოებით 2 მილიონი დოზა.

<https://www.isna.ir/news/1400101611886/>

ირანი SPECT სკანერის მწარმოებელთა ხუთეულშია

ირანული სამეცნიერო კომპანიის მკვლევართა ძალისხმევით, ირანი SPECT სკანერის მწარმოებელთა ხუთეულში აღმოჩნდა. გულის, ღვიძლის, ფილტვების და ტვინის ფუნქციის კონტროლი ამ მოწყობილობის ერთ-ერთი შესაძლებლობაა; ის ასევე გამოიყენება სიმსივნური წარმონაქმნის სამგანზომილებიანი გამოსახულების მისაღებად. აღნიშნული მოწყობილობა მთლიანად დამზადებულია ირანელი სპეციალისტების მიერ. იგი ამჟამად გამოიყენება ირანის ორ საავადმყოფოში. მსგავსი აპარატურის წარმოების დანერგვა ირანში, ვალუტის გადინების პრევენციის საუკეთესო საშუალებაა.

<https://tn.ai/2639094>

მსოფლიო ბანკმა ირანს პანდემიასთან ბრძოლის მიმართულებით 90 მილიონი დოლარის კრედიტი გამოუყო

ირანის საინვესტიციო და ეკონომიკურ-ტექნიკური დახმარების ორგანიზაციის ხელმძღვანელის ინფორმაციით, აშშ-ს და სიონისტური რეჟიმის ლობისტების წინააღმდეგობის მიუხედავად, მსოფლიო ბანკმა ირანს პანდემიასთან ბრძოლის მიმართულებით, 90 მილიონი დოლარის სესხი გამოუყო.

<https://irna.ir/xjH8tQ>

ირანის დედაქალაქში უკრაინული თვითმფრინავის ჩამოვარდნის წლისთავთან დაკავშირებით გრაფიკული ბანერები განთავსდა

თეირანის მუნიციპალიტეტის კომუნიკაციისა და საერთაშორისო ურთიერთობების ცენტრის ხელმძღვანელის განცხადებით, თეირანში უკრაინული თვითმფრინავის ჩამოვარდნის წლისთავთან დაკავშირებით გრაფიკული ბანერები იქნა დამონტაჟებული.

<https://www.isna.ir/news/1400101812771>

ნათლობის ცერემონია თაბრიზის ყოვლადწმიდა ღვთისმშობლის ტაძარში

თაბრიზის ყოვლადწმიდა ღვთისმშობლის ტაძარში ნათლობის ცერემონია და შობის დღესასწაულის ზეიმი გაიმართა. აღსანიშნავია, რომ სომხები შობის დღესასწაულს ახალი წლის დაწყებიდან ექვსი დღის შემდეგ აღნიშნავენ.

<https://b2n.ir/m57167>



ზარყამი: მობილური ტელეკომუნიკაციის კომპანიის ციფრული პლატფორმების განვითარება კარგი და შემოქმედებითი მმართველობის შედეგია

ირანის კულტურული მემკვიდრეობის მინისტრმა მობილური ტელეკომუნიკაციების კომპანიის ციფრული პლატფორმების მონიტორინგის ცენტრის დათვალიერებისას, ამ პლატფორმების დიზაინს კარგი და შემოქმედებითი მმართველობის შედეგი უწოდა.

<http://fna.ir/61rnr>

ევროპარლამენტის წევრი: ყასემ სოლეიმანის მკვლელობა წარმოადგენს საერთაშორისო სამართლის შეურაცხყოფას

ირლანდიელი პოლიტიკოსის და ევროპარლამენტის წევრის მიკ უოლესის განცხადებით, გენერალ ყასემ სოლეიმანის მკვლელობა აშშ-ს მიერ ჩადენილი სასტიკი დანაშაული და საერთაშორისო სამართლისა და გაეროს წესდების შეურაცხყოფაა.

<http://fna.ir/614p6>

ომანელი ექსპერტი: სპარსეთის ყურის ქვეყნები ვერც მარტო და ვერც ერთობლივად ირანს ვერ დაუპირისპირდებიან

ომანის უნივერსიტეტის საერთაშორისო ურთიერთობების ექსპერტმა Al-Hurra Network-თან ინტერვიუში განაცხადა:

- სპარსეთის ყურის ქვეყნები ვერც მარტო და ვერც ერთობლივად ვერ დაუპირისპირდებიან ირანს.

- სპარსეთის ყურეში, რაც არ უნდა გაიზარდოს სხვა ქვეყნების სამხედრო ფლოტების ყოფნა, ირანთან მოლაპარაკებისა და ურთიერთგაგების გარეშე, ამ რეგიონის უსაფრთხოება ვერ იქნება უზრუნველყოფილი.

<https://t.me/kavoshmedia/1979>

ბაღდადი მალე ირან-საუდის არაბეთის მოლაპარაკებების მეხუთე რაუნდს უმასპინძლებს

ბაღდადში ირანის ელჩის ირაჯ მასჯედის ინფორმაციით, ერაყი სულ მალე უმასპინძლებს ირანსა და საუდის არაბეთს შორის მოლაპარაკებების მეხუთე რაუნდს.

<https://tn.ai/2639564>

საგარეო საქმეთა სამინისტროს პრეს-სპიკერი: ირანი ყურადღებით აკვირდება ყაზახეთში განვითარებულ მოვლენებს

ირანის საგარეო საქმეთა სამინისტროს პრეს-სპიკერმა საიდ ხათიბზადეს განცხადებით, „ირანის ისლამური რესპუბლიკა ყურადღებით აკვირდება ყაზახეთში მიმდინარე მოვლენებს.“

<https://t.me/MFAIran/8597>

ინდოეთის ელჩის შეხვედრა ირანის პორტებისა და ნაოსნობის ორგანიზაციის აღმასრულებელ დირექტორთან

ინდოეთის საელჩომ ირანში Twitter-ზე გაავრცელა ინფორმაცია ირანის პორტებისა და ნაოსნობის ორგანიზაციის აღმასრულებელ დირექტორთან ალი აქბარ საფაისთან ინდოეთის ელჩის გადამ დარმანდრას შეხვედრის შესახებ. ამ შეხვედრაზე მხარეებმა ერთმანეთს გაუზიარეს მოსაზრებები და შეთანხმდნენ ჩაბაჰარის პორტის განვითარების საგზაო რუკაზე. შეხვედრაზე ასევე ხაზი გაესვა ინდოეთის ვალდებულებას ჩაბაჰარის პორტის განვითარებასა და გაფართოებასთან დაკავშირებით.

<http://mana.ir/fa/news/91840>

გასული 9 თვის განმავლობაში ასტარის პორტში 111 გემი შევიდა

ასტარის სპეციალური ეკონომიკური ზონის დირექტორის ინფორმაციით, ბოლო 9 თვის განმავლობაში ასტარის პორტში 111 გემი შევიდა, რაც გასულ წელთან შედარებით 14 პროცენტით უზრდავე მეტყველებს. მისივე თქმით, ამავე პერიოდში 324 პროცენტით არის გაზრდილი საკონტეინერო ტვირთების დამუშავება.


<http://mana.ir/fa/news/91825>

ირანის გამოხატავს კეთილგანწყობას ვენაში მიმდინარე მოლაპარაკებებზე კარგი შეთანხმების მისაღწევად

მასკატში გამართულ შეხვედრაზე ირანის საგარეო საქმეთა მინისტრმა ჰოსეინ ამირ აბდოლაჰიანმა და ომანის ვიცე-პრემიერმა ფაჰდ ბენ მაჰმუდ ალ საიდმა რეგიონში მიმდინარე მნიშვნელოვანი მოვლენები განიხილეს. ირანის საგარეო უწყების მეთაურის განცხადებით, ირანი გამოხატავს კეთილგანწყობას ვენაში მიმდინარე მოლაპარაკებების მიმართ, კარგი შედეგის მისაღწევად.

<http://fna.ir/62mxx>

ირანის ღირშესანიშნაობები: შურაბილის ტბა



შურაბილის ტბა არდაბილიდან 48 კილომეტრში ქ. ხალხალისკენ მიმავალ გზაზე მთის ხეობაში მდებარეობს. ზღვის დონიდან მისი სიმაღლე 2500 მეტრია. ტბის ფართობი 210 ჰექტარია, ხოლო სიღრმე 5 მეტრი. ტბა წინათ ძალზე მარილიანი იყო, მაგრამ მტკნარი წყლის დამატებით მარილიანობამ იკლო და ამჟამად მასში თევზებსაც კი ზრდიან. შურაბილი, იქ არსებული სხვადასხვა ინფრასტრუქტურით, ირანის ერთ-ერთი ულამაზესი ტბაა. ტბასთან მოწყობილია რეკრეაციული ზონები, ველოდრომი, სარბენი ბილიკები, საბავშვო მოედნები, ზოოპარკი, კეთილმოწყობილი რესტორნები და სასტუმროები. შურაბილის ტბაში ნავებით გასეირნებაცაა შესაძლებელი.